

docstivor 文川网
入驻商家 古籍书城
在文川网搜索古籍书城 获取更多电子书

福建府縣志輯

中國地方志集成

乾隆福州府志(二)

民國閩侯縣志

中國地方志集成

福建府縣志輯②

民國閩侯縣志

乾隆福州府志(二)

上海書店 ● 巴蜀書社 ● 江蘇古籍出版社

圖書在版編目(CIP)數據

中國地方志集成·福建府縣志輯·2, 乾隆福州府志·
2、民國閩侯縣志 / 上海書店出版社編. - 上海: 上海
書店出版社, 2000. 10
ISBN 7-80622-424-6

I. 中... II. 上... III. ①地方志-中國②地方志-
福建-福州府③地方志-福建-閩侯縣 IV. K29

中國版本圖書館 CIP 數據核字 (2000) 第 27768 號

docsriver 文川网
入驻商家 古籍书城

在文川网搜索古籍书城 获取更多电子书

福州府志卷之四十七

名宦一歷代郡守
陳佐附

晉

嚴高太康三年為晉安太守時初置郡詔治閩越故城

顧視險隘不足容衆遂改築子城又鑿迎仙館前連於

海橋通舟楫之利城西濬東西一湖溉田數萬畝至今

利之正德府志

宋

虞愿字士恭餘姚人泰始末為晉平太守前政與百姓交

福州府志 卷四十七名宦二

關質錄其兒婦愿遣人於道奪取還之初立學堂教授

郡出蚺蛇膽可為藥有遺愿蛇者愿不忍殺之故二十

里外一夜蛇還牀下又放四十里外復來歸論者謂愿

仁心所感海邊有越王石常隱雲霧相傳清康太守乃

得見愿往觀之清徹無隱南史

王秀之字伯奮郡人元徽間為晉平太守遺書朝士曰

郡承虞公之後善政猶存差得無事暮年求還或問其

故答曰此郡沃壤珍阜日至人所昧者財財生則禍逐

者不昧財亦不逐禍吾山資已足豈可久留人以為

王晉志求歸南齊書

為神起字子震吳興人建元初為晉平郡清康自立

歎曰見可欲心能不亂此楊公所以遺子孫也後官至

廷尉卒南齊書沈憲傳 按仲起舊志職官俱誤作仲起名宦無傳今考南齊書補入

王僧孺字僧孺東海郟人齊文惠太子聞其名召入東宮

直崇明殿欲擬為官僚文惠薨不果時王晏子得元出

為晉安郡以僧孺補郡丞除候官令建武初有詔舉士

楊州刺史始安王遙光表薦秘書丞王暕及僧孺曰前

福州府志 卷四十七名宦二

候官令東海王僧孺年三十五理尚樓約思致恬敏既

筆耕為養亦備書成學至乃照螢映雪編蒲緝柳先言

往行人物雅俗甘泉遺儀南宮故事畫地成圖抵掌可

述豈直懸鼠有必對之辯竹書無落簡之謬訪對不休

質疑斯在除尚書儀曹郎南齊書

梁

范縝字子真南鄉舞陰人天監初為晉安太守在郡清約

資公祿而已遷尚書左丞及還雖親戚無所遺贈梁書

按唐福州刺史俱以福建都團練觀察使兼傳列名宦

上卷茲不重見

宋

楊克讓字慶孫馮湖人太平興國初以兩浙西南路轉運使權知州事泉州民嘯聚為盜克讓在福州即率其屯兵至泉與王明王文寶共討平之歷官廉謹幹局所至有聲宋史卷萬 歷府志

馬亮字叔明合肥人舉進士淳化間諸路轉運使置糾察

刑獄官命亮覆訊福建路全活者多遷太常博士知福

州蘇易簡薦亮才任繁劇召還後以太子少保致仕呂

福州府志

卷四十七 名宦二

王

夷簡少從其父蒙亨為縣吏至福州亮見而奇之妻以

女世謂亮知人宋史卷 閩書

謝泌字深源歙人太平興國五年進士官兩浙運使景德

初移知福州時郡城海橋要衝木梁易朽泌欲易以石

民陳祐等奔走奉命泌去任後民不忍忘而橋竟完及

聞泌卒相率縞素曰侯吾民天地也不張權不恃勢兄

翁爭者論之頑狠者責之訟幾息矣時繼守嚴辟疆尚

嚴聞其言政亦為寬後守元積中書去思易橋名民為

立祠陳烈為記正德 府志

王平甫田人大中祥符中知福州轉運使王贊言福州官

田宜課租如漳泉例平曰額外增稅民何以堪奏止之

書

王臻字及之汝陰人天禧中知州事聞俗姦者噉野葛

人人有抵死者臻廉其狀姦不得行人甚賴之又民間

利火作倉猝輒掠其財以為常臻捕首惡杖流之民乃

安其嚴明如是新舊福建 通志合纂

胡則字子正婺州承旅人以進士起家天聖中知福州時

張希顏奏請福州官莊田納二稅外仍輸租米則奏官

福州府志

卷四十七 名宦二

田

田多瘠且濱海有潮患不宜增稅詔從之宋史

章類字簡之浦城人天聖中知福州僑閩時賦民官田歲

輸租稅而已至是轉運使方仲荀謂鬻之可得緡錢二

十餘萬類上疏言錢數浩大田無可輸價詔悉除之萬 歷

府志

鄭載天聖中知福州先是知州謝泌王臻章類皆賢而載

亦以循良稱民為歌曰前有謝王後有鄭章閩 書

方嶠字次山莆田人景祐元年進士初調平陽尉改福州

司理參軍州民有誣繫獄者守促令引服嶠力辯其竟

改秘書丞著作郎

書

陳鑄字師回興化人康定初知南雄秩滿以母老不復請郡求通判福州以便養親蔡襄序其行謂鑄之孝足為人子之勸福州自景祐建學絃誦無間鑄丞替其守延

師增燠以教之一時學者靡然向風

正德府志

蔡襄字君謨仙遊人天聖進士由右正言直史館乞便養

親出知福州始復古之五塘又奏減五代時州民丁口稅之半陞本路轉運使尋以父喪去嘉祐初以樞密直

學士禮部郎中再知福州禮士之賢者以勸學興善而

福州府志

卷四十七名宦二

五

變民之故俗初閩士專用賦應科舉襄得者儒周希孟

館以師禮具茶錢設都養以經術傳授襄亦屢至勸講延處士陳烈尊以師禮而陳襄鄭穆德行著稱襄折節

下之士乃多通經習益醇俗重凶事奉浮屠會賓客盡

力豐後游民貪飲食利錢財來者踵沓遂有親亡破產

辦具或立券舉債終身困不能償襄曰弊有大此者耶

卽下令禁止至於巫覡主病蠱毒殺人之類皆漸絕之

擇民之聰明者教以醫藥使治疾病條其事作五戒諭

教之闡俗丕變州民刻石紀其績拜端明殿學士卒年

五十有六贈少師諡忠惠

正德府志

曹穎叔字秀之亳州譙人皇祐中儂智高寇嶺南朝議以關中兵備久弛擢天章閣待制知福州推恩行惠剷煩去蠹整肅戎政治行不下古人

正德府志

燕度字唐卿益都人嘉祐中知福州會盜起度請假事權

制攝一道遂加兵馬鈴轄所至善狀日聞

正德府志

元絳字厚之錢塘人登第攝上元令安撫使范仲淹表其才嘉祐開知福州奏罷錢氏無名之徵所蒞咸有異政

而無特操工於文詞為流輩推許拜參知政事卒年七

福州府志

卷四十七名宦二

六

十六諡章簡

宋史

程師孟字公闕吳人進士甲科熙寧中知福州築子城滯河墜建學舍治行最東南累領劇鎮為政簡而嚴罪非

死者不以屬吏發隱捕伏如神豪惡不逞者痛懲艾之

至勤絕乃已以光祿大夫致仕卒年七十八

正德府志

曾鞏字子固南豐人熙寧末以龍圖閣知州事時劔州盜

慮思雖降餘衆尚合旁連數州鞏以計致之自縛歸者

二百人奏增瀕海巡簡官自是境內盜盡息福多佛利

僧利其富饒爭欲長其徒鞏俾其徒自相推擇識諸籍

以大序錄又禁婦女無入寺官舊無職田歲窮園蔬以供公費章曰太守與民爭利可平罷之章所至州不遺

人至縣縣不遺人至田里省文移令行禁止囚圜屢空吏民安其政萬歷府志

孫覺字莘老高郵人元豐中知福州閩俗厚於婚喪用財無藝覺裁為中法資裝無得過百千葬埋之費亦幸減

十五俗大便之民欠市易錢繫者甚衆有管下官人出錢五百萬葺佛殿請於莘老莘老徐曰汝輩施錢者何

曰願得福耳曰佛殿未甚壞佛未至露坐也孰若為獄福州府志

囚代償官逋使數百人釋桎梏之苦得福豈不多乎富人不得已諾之即日輸錢囹圄一空史

柯述字仲常南安人述與弟述迪嘗費文蔡襄製奇之嘉祐四年進士歷知襄邑盜悉奔他境神宗聞之召對使

殿書其姓名於屏擢知懷州元祐元符中兩知福州州舊無貢院每大比即廟學中為試院先聖釋奠及移他

所述擇州治東南公廨及廢地為院構堂百二十區士人便之開

林深之字原叔莆田人紹聖中為福州觀察推官時溫益

知州事事一委之深之在告益曰今日廢吾手矣正德

江常字少明惠安人靖康初知福州時建賊乘流趨州城常登陴呼其酋諭以禍福許為騰奏賊羅拜散去州

卒驕橫喧噪衙門常得其尤者誅之士卒始識紀律府志

程邁徽州黟縣人建炎四年以朝散大夫徽猷閣待制知福州時建寇猖獗邁請師於朝命叅政孟庚少師韓世

忠討平之郡人各為立生祠因更名武備堂曰止戈以福州府志

旌其功自臺門至虎節門大井有七歲久多湮悉令濬之民獲其利紹興間復以顯謨閣直學士左中奉大夫

再知州事正德府志

張守字子固晉陵人紹興初知福州時右司員外郎張宗臣請築福州城守秦州人因樊請俟他年遂止闕自范

汝為之擾公私空乏守在鎮四年撫綏凋瘵奏蠲所貸常平糴錢十五萬初偽闖以八州之產分三等上給寺

觀中下給土著流寓守祇留四十餘剩餘悉為實封歲入不下七八萬緡以助軍資餘充雜料當時稱便正德府志

張致遠字子猷沙縣人宣和三年第進士宰相范宗尹薦

其才召對權樞密院計議官建寇范汝為已降猶懷友

側招安官謝鸞盧棠受賊賂陰與之通致遠謁告歸知

其情還自執政捕黨等付獄詔孟庾韓世忠討之辟致

遠為隨軍機宜文字賊平除兩浙轉運判官遷侍御史

請罷權福建監累遷顯謨閣待制知台州以海寇鄭廣

未平改知福州廣聞致遠來輒請降致遠選留四百人

置營城外復遣廣討他郡寇數月悉平致遠與亮有學

識歷臺省侍從言論風采皆卓然可觀趙鼎嘗稱其有

福州府志

卷四十七名宦二

九

士望他日所守不渝宋史余正德府志

薛弼字直老永嘉人紹興間福州大盜起其黨甚盛詔厚

弼集英殿修撰知福州弼言昔守章貢有武夫周虎臣

陳敏所屬丁壯數百皆精悍可任勦捕乃以虎臣為副

將敏為巡檢選千人隸戲下號奇兵日給糗糧責以滅

賊凡四年而賊平正德府志余福建通志

林秀字德甫莆田人紹興中通判福州適朝廷計僧口給

食悉籍餘財輸戶部秀以閩中地瘠民貧州郡督辦煩

重若寺觀餘財悉籍戶部則州之歲計益欲復殃民遂

白府帥張澄乞澄于朝自計口外餘財充歲計朝廷如

其請正德府志

汪應辰字聖錫信州玉山人紹興五年進士第一隆興

知福州未幾升敷文閣待制稟朱熹自代在鎮二年奏

蠲一切苛賦應辰少從呂居仁胡安國遊張栻呂祖謙

深器許之接物溫遜遇事特立不回以忤秦檜流落嶺

嶠十有七年檜死始還朝宋史

趙子瀟字清卿宋宗室隆興初以龍圖閣直學士知福州

歲饑告糶傍郡平價濟民進龍圖閣學士移知泉州宋史

福州府志

卷四十七名宦二

十

張次夔字和仲浦城人以廩補官福州理掾部使者攝州

事以私意撓獄次夔堅持不可使者不能奪遷西安令

宋史

姚希得字達源潼川人為福州通判徒步至候官吏不知

為通判也希得忠亮平實清儉自持好引善類不要虛

譽正德府志

梁克家字叔子泉州晉江人幼聰明絕人紹興三十年廷

試第一淳熙六年以資政殿大學士知福州在鎮有治

績不以貴顯自泰以優擢去趙維奏令再任降旨仍知

屬州九年入拜右丞相封魏國公卒贈少師謚文靖

修三山志四十卷宋史蔡正德府志

趙汝愚字子直宋宗室居饒之餘干早有大志每曰丈夫

得汗青一幅始不負此生乾道間擢進士第一淳熙九

年以集英殿修撰知福州仁厚愷悌持身潔白州西舊

有湖溉民田數萬畝豪溼為田水無所備遇潦則西北

一帶低田淪為巨浸汝愚請復行開濬從之越四載移

四川制置紹熙初以敷文閣學士再知州事踰年擢知

樞密院事卒贈太師謚忠定嘉熙初追封福王汝愚學

福州府志 卷四十七名宦二 十一

務有用聚族而居門內三千指恩意均洽無間言為夕

郎大冬衣布裘為相亦然宋史蔡正德府志閩書

陳傅良字君舉溫州瑞安人入太學與張栻呂祖謙友善

登進士甲科教授泰州參知政事龔茂良薦於朝改太

學錄出通判福州丞相梁克家領帥事委成於傅良傅

良平一府曲直壹以義強禦者不得售其私陰結言官

論罷之宋史

析莆田人紹興中主閩縣簿累調福清丞敏於為政以

精稱嘗捐俸以修學館後知福州前守馬大同

景欽號城不果析遂成之周圍四十丈設事而民不擾

在那簡訟寬賦民甚便之萬曆府志

陳居仁字安行興化軍人慶元初以實文閣持制知福州

入境有饑民哺聚部分居仁遮擊之首惡計窮自經死

治宗室之暴橫申蠱毒之舊禁踰年被調民思而祠之

居仁風度凝遠處已應物壹以誠信臨事毅然有守所

至號稱循吏宋史蔡正德府志

倪思字正甫歸安人歷知泉州建寧後為禮部尚書因論

事件史彌遠力求去遂以實謨閣直學士知鎮江府移

福州府志 卷四十七名宦二 十一

知福州彌遠拜右丞相陳晦草制用昆命元龜語思歎

曰此舜禹揖讓也乃上省牘請貼改麻制詔下分析彌

遠遂除晦殿中侍御史即劾思潘臣僭論麻制鑄職罷

之真德秀將守泉思懸車於家貽書問政告以毋崇宴

觴毋聽琛貨靜以安民儉以化俗思歿德秀為祠而祀

之宋史蔡正德府志

賈度字文叔新昌人嘉定間知福州始至訟牒日千餘度

隨事裁決未午而畢史稱其守正不阿進退裕如粹然

君子閩書

羅必元字亨父進賢人嘉定十年進士歷福州觀察推官

有勢家李遇奪民荔支園必元直之遇為言官以私憾

罷之淳祐間通判贛州度宗即位以直寶章閣兼宗學

博士致仕卒年九十一必元常從危種包遜學最有淵

源見理甚明風節甚高至今鄉人尊之

宋史

王居安字資道黃巖人端平初以敷文閣待制知福州

提舉崇福宮將行鹽寇起寧化居安以書諭汀守曰土

瘠民貧業於鹽可盡禁耶且彼執三首惡以自贖宜治

此三人他可勿窮治部使者遣左翼軍將鄧起提兵往

福州府志

卷四十七名宦二

圭

起貧夜冒險與寇角以死軍潰事聞命居安專任招捕

居安既留募軍校劉華印銳者授計畫汀賊已至郡知

帥撫納意即引退華銳出入賊中指期約降有以右班

攝汀守者以知兵自任欲出不意為已功賊敗走約建

劍諸郡並江西嘯聚蜂起居安議不合歎曰吾可復求

焦頭爛額功耶即拜疏歸卒累贈少保

宋史

真德秀字景元一字希元浦城人登慶元五年進士端平

初以徽猷閣待制知泉州改知福州戒所部無濫刑橫

歛禁徇私贖貨罷市令司日物同則價同寧有公私之

異閩縣里正苦督賦革之屬縣苦貴糶便宜發常平賑

之海寇縱橫次第禽殄之日延聘耆儒躬臨講習以教

郡之秀士召為戶部尚書辭不允除翰林院學士知制

誥拜叅知政事三乞祠祿以資政殿學士提舉萬壽宮

卒諡文忠自佻胄立偽學之名以錮善類凡近世大儒

之書皆顯禁以絕之德秀晚出獨慨然以斯文自任講

習而服行之黨禁既開而正學明於世

宋史

王鎔景定五年知州事先是州學火鎔至即撤唐安寺以

其材構禮殿撤複遊亭以其材構養元堂又創奎文閣

福州府志

卷四十七名宦二

圭

橋門泮池廩廚齋舍咸具廟學一新

正德府志

吳革咸淳初知州事雅重風化嘗創道立堂祠濂溪以下

諸賢附以賢牧又創經史閣官至戶部尚書

正德府志

按宋知州事有兼安撫司者傳列名宦上卷茲不重

見

明

楊士英洪武間知福州為政嚴明興禮讓厚風俗凡百建

置俱有條理吏民感服郡尉之

萬曆府志

周孟初字仁長象山人宣德開福州府同知在任八年公

廉方介鋤抑豪右閩人有鐵面之號陞泉州知府未至

卒

畢亨字文亨單縣人景泰間知福州清而能恕利弊去其

太甚尤加意學校繕紳愛悅後官至都御史萬歷府志

江祖字崇善歙人天順間為福州推官廉謹而明郡無冤

獄

唐珣字廷貴華亭人天順丁丑進士成化間以刑部郎中

出知福州正統而後郡守見臺省大吏傳誥過當珣始

至謁御史一揖而已有奸人假中官名號攫人財珣擒

福州府志

卷四十七名宦二

五

治之珣為政以興學勸農為先務葺學宮增書院延師

以教郡之子第創迤春亭於東郊時省耕歛江洲可田

者令民悉墾之築塘於五虎門以捍海潮先時省會諸

監司徭役郡獨當之珣請於上使七郡均其勞水口三

山嶼需費浩繁為哀小筭白沙羨銀足之修餘俗廣

立寺橋置四鄉義倉設四關叢塚禁火葬其於便民之

事知無不為珣勤恤通敏而持已峻潔人不敢以私上

後官至都御史郡人祀之西郊蓋二百年罕儻焉萬歷府志

潘漢字子川上饒人宏治間知福州漢性峭直鎮守官驛

恣漢守法獨不少屈郡有靈濟宮舊遣中官掛袍歲費

公帑萬計漢上疏罷之後遂開數歲一遣鴻臚官以為

常撫字郡人尤有恩澤與上官不合棄職歸萬歷府志

奈祐字子積鄱陽人年十九師事胡居仁宏治十二年舉

進士為南京刑部員外郎以事忤劉瑾落職瑾誅起為

福州知府鎮守太監市物不與民直民羣訴於祐祐慰

遣之云將列狀上聞鎮守懼稍戢然恚甚遣告其黨曰

不去余祐何鎮守為然祐素廉樵拾竟無所得嘉靖初

福州府志

卷四十七名宦二

五

歷官至太僕寺卿改吏部右侍郎祐已先卒泰明史

葉溥字時用龍泉人正德間知福州溥少遊學於閩具知

人情土俗及為郡每聽訟片言決之無敢欺者溥又能

以儒術飾吏治政暇蒐舉典祀崇獎節義以興教化入

親京師無以為費過家其父為稱貸乃能治行裝萬歷府志

歐陽鐸字崇德泰和人正 中自南兵部郎出知延平有

司禮監蕭敬郡人也家人暴橫殺人官喋不敢理鐸立

捕坐之敬大怒訴以他事械繫至京會有解之者得免

尋舉劾奏調福州上疏引疾辭不許至則裁供餼禁橫

索於是鎮守太監向某不敢肆欲有所泄怒會頗昨得
謂神惠宜盡取諸祭不當益以市肉於是諸司昨損舊
十之九又不及鎮守諸客尚怒曰往昨我特豕特羊今
何得不至今隸委昨府庭去鐸陽為不喻謂相禮諸生
曰此尚監母乃以相勞持去始割分之詣鎮守謝及迎
春又不設雜戲尚益怒鐸以正折之尚不能屈借他事
為名肆惡聲欲因激發相毆擊鐸第魚睨而已尚迫塞
出悖謬語鐸徐拱手言曰此非臣子所宜言上聞之無
乃不可予徑趨出尚偵伺數月無可得乃因三司官謝

順州府志 卷四十七 名宦二 七

適焉於時客過府城至不敢張宴上官索辦不下福州
府皆陽為獎譽肉殊不喜會編審里甲鐸謂福州海六
山三田賦僅十一役不得優仕宦偏累齊民於是巨室
聞然議起謂非人情不可近獨御史汪珊益敬鐸不為
推衆議稍息嘉靖初入觀舉治行第一賜半酒絲緞後
仕至吏部右侍郎諡恭簡

閩書卷

汪文盛字希周崇陽人正德辛未進士初授饒州推官入
為兵部武選司主事諫南巡拜杖嘉靖三年出知福州
文盛有吏才多智畧初至值大役踈乞蠲租發廩復四

鄉社倉傲朱子備荒法行之故歲雖饑而民無流徙

興水利開上王舊港奉新河灌田四十餘頃又減丁錢

省傳費築羅源諸邑城議處琉球諸舶法施於後操下

極嚴不得以一錢冒費公爺上官若鎮守若監司私取

於民必曲泥之政暇則課諸生為文官終大理寺卿時

有長樂令汪瑄者婺源人也嘉靖四年夏早秋潦文盛

與瑄顯憲司發倉廩賑以聞詔獨是年田租民為之歇

曰天降殃歲卒荒不有二汪誰立我僵

朱豹字子文上海人嘉靖間知福州歷官有廉聲解中有

順州府志 卷四十七 名宦二 九

鷓鴣豹幼子玩弄之跡行欲持歸豹妻急止之曰爾父

未嘗持一毫官物二鳥亦官物也可持歸耶其清操信

於妻子如此

胡有恒字貞甫山陽人嘉靖癸未進士嘉靖間知福州勤

敏練達先時郡驛傳役富民求取無節往往破產有

恒議更催役令民出錢輸之官而費始有經御史下其

法於七郡至今行焉建寧有陳咸者被誣坐大辟十九

年有恒雪其冤永春流劫所司官監捕五十餘人拷

掠瀕死猶不得實事下有恒鞠治有恒見所繫樺子一

人詢之知以父累心惻然反覆辭謝皆得不死有恒博

學好文時引諸生與之講經義得指授者甚衆官終廣

西布政使始有恒政尚猛榜笞禁人聲時頗病之繼者

用寬狎玩偷竄民始思有恒不置萬歷中巡撫龐尚鵬

以有恒與葉溥歐陽鐸汪文盛並祀曰福郡四賢守

萬歷 府志卷

葉經字淑明上虞人嘉靖間福州推官經神容止勵節操

遇事屹然有守郡人敬之後入為御史號敢言相嵩深

忌之廷杖死萬歷 府志

福州府志 卷四十七 名宦二 七

王尚學馬平人嘉靖間福州推官雅有志操浦城巨姓以

計殺三人獄具郡不能決監司移尚學訊之時有枋局

者得賄欲釋其罪尚學力持不可尚學貌寢枋局者易

之乘醉以他事叱尚學終不為奪也後入為職方郎中

萬歷 府志

徐訪號東臯永康人通判福州精敏練達以嘉靖十八年

攝連江縣事時邑治無城山海有警數被患訪心籌之

為大府陳建城之策未報可訪去寇復蹂躪大府方患

訪言邑人王德溢亦上其議乃傍建城命訪董其役

年告竣連江有城自訪始士民為祠祀之福建通志卷

邊維垣字師甫彭縣人隆慶間知福州簡靜敦慎有清介

之守郡人愛之萬歷 府志

陳楠字子材奉化人萬歷初知福州居官清慎不以脂膏

自潤巡撫劉堯誨議復夫甲庫役等差楠力持不可幾

為所中遷兩淮運使去福建 通志

潘頤龍字躍卿錢塘人萬歷初知福州居官凜凜有風裁

斷獄精敏士民左右皆以嚴見憚福建 通志

何繼高山陰人萬歷間知福州時倭躡潮韻閩海震動繼

福州府志 卷四十七 名宦二 十

高練兵措餉築城偵諜規畫井然甲午夏米價驟湧市

民乘機聚掠繼高急發衛卒守軍器局分兵屯諸巷口

挺身撫諭亂乃定仍設策轉粟潮韻間連歲饑而不害

尋遷長蘆轉運使行日軍民遮留萬歷 府志

劉日升字扶生廬陵人萬歷庚辰進士選福州司理摘發

如神有大姓殺人而賄人代之約婦其女而婿其子日

升語代者曰彼詐汝耳汝身死彼卒寒盟安能泉下控

之代者悔而泣乃坐大姓惡少調人婦遇其夫扼吭斃

之沉諸井令婦誣其叔曰是故與夫有仇獄久不決日

升呼婦前從容好語婦感動日升愴然曰死者不復生

償之果何益但屍糜爛誠可傷耳婦忽失口屍在井中

未毀也出之面如生遂伏法又有婦殺夫而焚其舍以

火為解日升謂火死者口有灰取二蔬一死一活焚之

果驗婦遂語塞有僧利其師財潛殺之誣他僧他僧不

能辯日升視其刀有匠名呼問之則其徒刀也論如法

鄉紳子為中表所毒實假手於其婢而反誣其婦日升

夢二毒蟲在案傍若有人呼楊六者詰之則藥果市之

楊祿遂窮鞫抵罪嘗視篆古田道逢負傀儡者遽命縛

福州府志 卷四十七 名宦二 五

之曰而盜魁也訊之果然人以問日升日升曰吾貌得

之耳藩庫失藏金日升視藏中有題壁以問藏吏曰此

老胥某手跡索其家金果在也其神明多類此嘗謂誤

入一蔬一果見與隸必三日作至其臨事人或規之曰

吾有口可泥封耶仕終應天府尹

周順昌字景文江南吳縣人萬歷四十一年進士授福州

府推官捕治稅監高萊爪牙不少貸家激民變劫辱巡

撫袁一驥質其二子并質副使呂純如或議以順昌代

順昌不可純如銜之後擢吏部主事轉員外假歸天啓

中魏忠賢矯旨逮赴詔獄潛覺之崇禎初贈太常卿諡

忠介明

陸文衡字坦持吳江人萬歷四十七年進士授工部主事

天啓中出守福州時魏璫生祠遍海內眾議福為閩首

郡當倡立文衡堅持不可卒不建故閩閩省無璫祠由

文衡格其議也崇禎改元陞浙江參政

趙繼鼎德州人天啓進士崇禎初福州司理公明堅決不

畏強禦凡所平反多得情奸猾斂跡號趙鐵面

王凝命雲南人崇禎辛未進士福州理刑有清操閩俗喜

福州府志 卷四十七 名宦二 五

訟多服毒草陷讐者凝命嚴法痛懲風遂息與上官不

合解綬去

國朝 ○王之儀字虞廷廣寧人康熙六年知福州耿逆縱黨肆

惡羅源知縣張猗答而驅之出境逆怒逼之儀具罪狀

誣紳之儀正色曰九邑賢員惟猗為最劾之如公道何

寧去官不敢奉命逆不能奪十三年三月十五日逆難

作繼文武官赴藩府計事之儀與同知建寧府喻三畏

知饒官縣劉嘉猷慷慨罵賊同被殺屍出逆府家戚墮

決逆復遣黨圍其署妻張氏于琯皆自殺事聞贈太僕

寺卿于郵廡三十五年入祀九忠祠福建通志

○連維城正白旗漢軍人康熙三十六年知福州閩各屬

祠每寒暑感疾輒日為司疫之神所為以五月五日為

疫神生辰巫覡煽誘男婦科歛演祝其有疾之家不事

醫藥樹紙舟建醮以為祈禱晝夜喧闐奔走若狂維城

痛懲其弊力請大吏禁止之折毀淫祠凡百十餘所郡

有造偽銀者立寘之法又立救火器械槍治乘火搶掠

者後卒于官士民祀於西湖書院福建通志

福州府志 卷四十七 名宦二 三

○石曰琮字璞公長山人康熙辛未進士四十七年以巡

撫張伯行薦知福州首禁奸民居羸積米昂市價者官

修戰艦購木於商其值多不敷商以為病曰琮必予其

值相當各屬案牘設勤能補拙四字次第傳催不輕

一役所屬徵收歲額侵蝕弊絕時年七十矣卒於官

通志

福州府志卷之四十七終

福州府志卷之四十八

名宦三 歷代縣令 傳屬附

閩縣

唐

李茸太和中令閩縣縣東五里有海堤茸奉命所築先是

每六月潮水鹹鹵灌入禾苗多死白茸為堤渚溪水皆

為良田又長樂縣本亦縣地其東十里有海堤有斗門

以禦潮旱則渚水湧則洩之亦為良田并茸所築閩書

宋

福州府志 卷四十八 名宦三 一

黃德裕字仲益邵武人元豐中知閩縣方正有為閩書

陳麟字夢兆沙縣人天觀開知閩縣有里人為富家誣為

盜麟辯其冤尋獲真盜有勢家欲徙人墓部使者屬麟

不從使者怒後索翠羽他邑惟命獨閩無有也使者愈

怒問汝何恃乃爾曰惟潔已自守耳時與黃琮翁谷稱

閩中三循吏 聯非卷 曰葉

張維字振綱南劍州劍浦人中紹興八年進士第知閩縣

定差役條約皆倍者半其停年民以為便已而制下

定役法如之官募丁匠舟楫於民無度維與約一歲丁

匠之役不過三日舟若干為甲甲且旬日縣賦故多取
具於僧坊維為區畫使其徒自相督無擾而賦辦僧歲
以荔子餉官維一謝卻曰奈何以口腹勞吾操耶積餐
錢數十萬義不納會淨添敗官舍匠役過前約悉以餽
之曰毋失信於民民號之曰張太清以便親請主管崇
道觀以歸官終左司郎中

朱子右司
張公誌銘

劉煥字晦伯建陽人與弟炳同受學於朱子乾道八年進
士調連城令獨無名征歛新其縣學教諸生入德之方
改知閩縣用清簡為治與民有信大族貴宦頑庶姦胥

福州府志

卷四十八 名宦三

二

莫敢撓法諸臺府合詞連薦以與丞相趙汝愚有連欲
他用之叅政陳騷昌言於眾召試館職非劉某孰可者
竟避汝愚嫌乞通判潭州官終權工部尚書論文簡
胡巖起嘉定中知閩縣卓行危論奇文瑰句一時士大夫
皆以為不可及

正德
府志

杜泉邵武人初授海門買納鹽場官監司檄攤閩尉民有

甲之子死誣乙殺之驗髮中得沙而甲舍旁有沙池類

髮中者鞠之子果溺死其才敏有為類此

正德
府志

明

魏谷才承樂初知閩縣平易近民雅好士類行事詳審民

得輸其情

正德
府志

林遜潮陽人師事蔡希仁受古文尚書洪武乙丑進士授
閩縣丞歲饑請賑多所全活入覲賜勅還疏請厲禁沿
海捕魚優詔答焉

閩
書

陳敏政臨安人宣德間知閩縣時中貴採辦方物聚城中
至十八人敏政每夜五鼓出二鼓入能以智敏應變便
宜集事奸暴贖貨者不得肆里胥不擾公私無困

正德
府志

福州府志

卷四十八 名宦三

三

閉糴而逃亂流移之衆不能自存塗望門勸貸得積粟
為糜於路以餉餒者全活甚衆

萬歷
府志

許子良字直卿仁和人隆慶初知閩縣為政和平簡易催

科不擾後官至都御史

萬歷
府志

侯官縣

懷安
縣附

宋

方叔完莆田人元豐中知侯官縣民有與懷安民訟水利

叔完往按直之二邑稱公時會鞏守郡少與可獨重叔

完罵之於朝

萬歷
府志

docsriver 文川网
入驻商家 古籍书城

在文川网搜索古籍书城 获取更多电子书

吳評字正詞崇安人景祐進士治平中令懷安自雲頂山

開半腸溪十餘里入城官至中大夫致仕贈開國侯

吳紀嘉祐三年知懷安縣時郡守蔡襄欲復東湖不可得

乃從樂遊橋開沿城外抵湯門琴亭湖心至北嶺下去

思橋北出浦尾船塢散入港北小浦中浦石泉安園以

北紀作橋十三曰瀾壘曰壘北曰小浦曰中浦曰湖心

曰琴亭曰越塘曰龍腰曰後溪曰桑畝曰嶺下曰范溪

曰瀨溪東湖既涸類此港浦橋梁導東北諸水以達于

東門也又北嶺達于宦溪其山磴路北通連江沿岸以

濟高一千八百步紀募治奠高為夷正曲為直凹者凸

陷者續迄今七百年賴之三山志卷

吳及字幾道靖海人年十七登進士元符中為候官尉聞

俗多自壽死以誣警家及悉為蘇正前後活五十三人

帥可笑之移其法於一路閩

方伯壽叔完之兄為候官尉有盜殺人追捕無驗伯壽聚

里民各詢姓名至會忍著熟視之口田中殺人者汝也

一訊而服正德府志

項悅字無欲永嘉人初調閩縣簿再調福清簿邑有七賢

之諸悅居其首知候官縣治加恢拓庭無林正德府志

騰兩端潭潭在萬山中被棘徒行烈日中數十里下山

雨注兩晝夜歲大稔而悅以病賜死通志

余克濟安溪人慶元間尉候官克濟在下僚而能有立存

貴官求尉屏益其居州既許矣克濟力爭不與帥不能

奪遷浙西常平幹官歷知梅州皆有政聲正德府志

魏必昌字世復晉江人初尉懷安年尚少有豪家訟田久

不決必昌折以禮法兩豪皆服移興化錄事持廉壁立

無干以私者劉克莊贈以詩曰守法仁人勇防身處女

嚴人以為實錄正德府志

明

薛武龍泉人洪武九年知懷安縣蒞官清謹公勤時縣治

始遷入于城北武知民力已困留心撫字不用刑罰民

賴之如父母正德府志

嚴毅洪武中候官主簿以清謹著稱邑有盜剽掠殺違捕

之一渠魁欲害殺乃詐為武官之任置酒延殺殺覺就

席擒焉正德府志

劉子敬洪武中以御史謫候官典史嘗自署曰蘇漢倫常

足官且廉自高永樂初後為御史萬歷府志

州府洪武中知懷安剛方端謹時邑有惡黨九十餘人所

諸賢司勢界橫滋為民害號野牢子禮至悉擒治之邑

里以安正德府志

蔣德宜山人洪武三十年知懷安廉介嚴謹政尚清簡痛

懲吏弊書置三等冊循環簿凡科差量里高下審業產

重輕錙銖不爽尤留意學校崇獎士類正德府志

胡節龍游人成化七年知懷安懲隸卒入鄉擾民因為木

皂隸人莫敢違民有以不孝聞者召至懇懇諭以天喪

福州府志 卷四十八名宦三 七

民葬其人卒感服暇則教其屬吏講律令修舉廢墜務

先學校次公署條理秩然為政公謹廉勤民愛戴之甫

踰年以憂歸普民相率追送賻以白金節為取少許類

行投於水抵家躬負土營葬結廬墓上尋卒正德府志

陳如綸字德宣常熟人嘉靖間知候官通敏有才時有陳

龍圖之號聽訟有關倫理者使謹實鄉老誨諭之動其

良心皆涕泣罷去萬歷府志

童子行字明卿歙縣人萬歷戊寅授候官令吏才精敏奉

詔文田經畫得體所汰浮米無筭民至今稱便萬歷府志

石門峽江水為患于行建議填塞方請旨舉行徵為御

史去後令周兆聖錄其議築之其傍田歲獲有秋萬歷府志

葉有聲字震隱華亭人萬歷進士知候官愷悌愛人催

得法時稱循吏福建通志

來方字澤蘭蕭山人天啓進士知候官廉明方正好接

引士類擢吏部去福建通志

毛協恭字亶鞠武進人崇禎進士初知寧德詭候官性清

介以道學自任嘗與諸生講論文藝媿媿不倦福建通志

國朝

福州府志 卷四十八名宦三 七

○劉嘉猷金谿人康熙十二年知候官縣謹愿慈惠耿逆反

與知府王之儀同被害事聞贈官予廕祀九忠祠福建通志

○王裕遺浙江山陰人在閩屢任劇邑公勤明恕歷有聲

績知候官縣乾隆十八年薦至京暴病卒邑人懷焉

古田縣

宋

薛琪不知何許人宋初為古田令以廉著人愛之後李堪

家知縣事父老有蘇紹者言曰邑侯連引如綫能自樹

威時俗不可市者薛令君也萬歷府志

李堪字仲任常州人景德間令古田務本抑末愛民實士

建學立社舉鄉飲禁淫祠黜異教以禮讓化俗政暇則

集諸生及邑父老與之討論治理邑人重之以比薛琪

又有許當陳昌期者先後為令民皆德之古田稱循吏

必曰薛李許陳云

福建通志

吳公誠字君與莆田人大觀進士調古田尉政和初林利

等寇山谷公誠獨將數卒生擒利寘諸法而盡散遣其

餘黨擬舉何誼直嘉其功累章論薦改承奉郎

萬曆志

蕭輝字棠仲龍溪人大觀進士調古田尉獲盜三十餘人

福州府志

卷四十八

名宦三

八

為滅賊得免死或告以賊不應賞格韓曰利因命以取

官非吾志也遂以不及改調福清永有誣告平民事妖

術者韓為申雪保全數百家乞祠里居二十六年戶曹

陳嶠贈以詩云一寸功名心已灰翩然解組賦歸來中

興天子登耆舊二十餘年挽不回卒年八十九

楊汝南字彥侯龍溪人紹興十九年進士歷廣州教授嘗

撫詩春秋中庸要指經說三十篇授學者乾道間改知

古田縣修學舍置學田又造安福橋以利民日與諸生

質疑問難嘗不德汝南自初蒞仕即以廉平公勤自

外故所至有聲

萬歷府志

蔡能晉江人乾道間為古田丞遷承議郎賜緋魚袋以論

語中庸闡明與旨啓黼後學士皆從之戶外屨常滿

游九言初名九思字誠之建陽人方十歲為文詆秦檜及

長銳志當世諫南北事乾道間為古田縣西尉律已廉

蒞事敏撫民仁事上敬邑人愛之九言始學於張栻

教以求放心久之有得嘗序大極圖讀者稱之

闕書

廖天覺字仲先順昌人嘉泰中知古田縣民有負上供銀

布幾數百萬天覺多方為理償之教民文有惇孝躬力

福州府志

卷四十八

名宦三

九

農桑戒殺于禁游手四條詞旨懇切民皆從之張穆為

部使者稱其有古循吏風後以朝請大夫致仕

正德府志

陳諒字友仲僊遊人嘉泰中知古田縣不受一錢悉力撫

字民號為佛子及解歸以帑藏無贏幾為司財賦者所

沮朱子為言於帥曰陳宰廉吏也若此何以勸善事遂

釋

正德府志

趙希佖字安道宗室子開禧初為古田尉獲盜十有七人

或謂格當賞佖曰殺人以懲何吾不忍也白長官坐其

者釋其脇從者仕終沙縣丞

正德府志

傅康字仲良晉江人伯成之子用父任知古田縣時方少

年更事明敏循胥匿簿書賦入日少廉籍其家出所匿

按覈得實邑計以饒後以直椒猷閣致仕

薛舜庸字惠父同安人紹熙四年進士調龍溪尉嘉定開

知古田縣農民牛死輸錢於官舜庸歎曰民不幸失牛

又責其財是重困也立除之增邑廩餼建閣藏書以

惠生徒遷通判興化軍未上卒

蘇文本嘉定開以通直郎知古田縣在官年六十矣而勤

政不懈平易近民不聽吏言不受請託

福州府志 卷四十八 名宦三 十

留元亮晉江人丞相正之後淳祐開以宣教郎知古田有

仁政嘗祠先賢創義塚置貢士莊

許鑒温州人淳祐開知古田有風力抑強扶弱人畏憚之

嘗遷建本縣廟學

元 王與汝上人至元末古田尹多善政得吏民心嘗修學校

建壇壝功成而民不擾

馬合麻色目人延祐初為古田達魯花赤在任三年民不

見吏苞苴不八 對不行聽訟明察如神奸吏無所容

正德 府志

明 王友俊上虞人威重有為洪武開宰古田政由已出吏弊

悉除崇學校得士民心流逋悉歸邑境稱治後卒於官

姚孟與洪武二十五年為古田簿時邑多逃亡戶絕稅存

累年逋負艱於徵輸孟與勤恤民隱招徠捐糜首覈荒

田千畝請於朝蠲其額民至今德之

熊彥迪南昌人洪武中為古田谷口巡檢始至佐縣簿姚

福州府志 卷四十八 名宦三 十

孟與覈荒田蠲稅額建虎溪寨以保障一方時永福寇

朱明叔據桃花洞彥迪率所部夜擣其巢擒之以功擢

兵馬司未行卒民建祠祀焉

花潤生字藕玉邵武人由進士永樂開知古田教民樹藝

創公署興學校為諸生廣置書籍親與講課擢浙江督

學僉事

張昱字以進賀縣人宣德開知古田疏煥文渠改楊梅嶺

路建鳴玉橋葺城隍祠宇其他功蹟亦多

福州府志 卷四十八 名宦三 十

初出舉人授古田令興利除奸愛民禮

士尤留心學校凡殿廡戟門明倫堂等經閣皆其創立
後以疾去民思之不忘古田縣志

魏斌潮陽人宏治開由吏員授古田丞和易有守禮士恤
民值歲旱步禱天平山龍井白書龍見於井霖雨隨至

民以為積誠所感古田縣志

張貴臨淄人宏治末為古田簿以公廉自守時白水洞寇

發坊村騷擾兵臨勦捕貴與其子思仁戮力其間不避

艱險數月寇黨悉平民多感之正德府志

周誥吉水人嘉靖初古田令工文學善吏治邑西郊多曠

福州府志

卷四十八

主

土誥令民墾治之為傳種種之種於江右併示播種法

暇則巡行阡陌察其勤惰田間稼穡罔敢不勤卒於官

民哀之古田縣志

蔡德進字士抑東莞人嘉靖間令古田愛民好士一本於

誠苞苴不入有古廉吏風後改黔陽令古田縣志

徐建字曰忠餘姚人嘉靖間任古田令留心士類振恤民

因邑縣宇學宮皆前逼民居而後建捐俸買其地拓而

廣之初古田歲課輸米福清倉議改折價而悍并倡為

危論以求益建申諸憲司力懇得從前讓民德之古田縣志

王所字敬作東莞人由鄉貢任古田令嘉靖末倭寇猖獗
而古田城垣卑薄不足為備所詔於父老曰盜志在金

帛與攻城掠地者不同城郭溝池所以為富者守也

家亦悟且感於是籍富人為三等計後分任之增城

建樓櫓鑿溝濠以防不虞未幾倭薄城下所親操矢石

率眾防禦夜遣驍勇縱火焚其營賊遁去後備兵使者

蜀人宋豫卿作詩咏其事有社稷有靈憑一旅山河無

恙仗孤忠之句古田縣志

劉曰賜字蓋卿南昌人萬歷開以鄉貢任古田令精明幹

福州府志

卷四十八

主

濟靈滑屏息愛民恤士振興文教備祭器清祠田大有

造於學校尤悉心保障凡城堡戎具修理製造皆按古

法邑舊多通賦官役代輸多所乾沒乃清厥浮溢月徵

一限輸者競至他如舒驛站之困豫倉儲之需孽盡無

遺古田舊未有志曰賜創為之課最晉全州守去後士

民即書院肖像以祀古田縣志

王繼祀字懋承歸安人萬歷辛丑進士令古田政尚寬厚

修學宮治城濠創橋渡以利涉邑有二驛黃田最為疲

困抵任三月力請增額驛困稍蘇至於利商利民鐵爐

為甚痛陳其弊悉除之縣志創於劉令曰賜繼祀繼之

廣蒐博採補所未備其功不下曰賜古田縣志

吳柔思字徽止宜興人天啓進士授古田令適歲稔盜賊

四起柔思勸紳士發粟賑饑民邑城崩頽十去八九與

邑紳余文龍措理修葺視舊完固有加至今賴之古田縣志

劉若金安福人天啓開令古田慈惠愛民立祠祀之古田縣志

楊德周字南仲寧波人崇禎開任古田令南下車即榜縣

門曰所不與民伸冤抑而任意低昂者誓不生還自是

剔蠹弊鋤奸黠編審精覈追呼不擾時荒旱相仍征歛

福州府志 卷四十八 名宦三 十甫

無藝撫字焦心凡百設施劑量而行之古田縣志

國朝

○甘體垣字仰之遼東人順治初知古田戊子歲大饑寇

薄城下募號勇晝夜防守相持不下者旬餘時郡亦有

警音耗不通孤城危甚一日巡哨獲奸細叱置之法誦

視之乃舊役曾魁也獲其縛密詢賊情狀魁備陳顛末

謂非詣郡請兵圍不解因貫魁罪屬其馳書請援魁感

泣應命遂密縫告急章於被底詰旦俾予魁重杖令得

逸去抵賊營示以杖痕且給賊言城中無隙可乘請往

合漳寇共攻賊信之遂星夜抵會城拆獲呈牒大帥遣

兵馳馳行魁以計殲賊盡及望見縣城噪而前曰救兵

至矣城中盡出為應突有殘寇追至體垣手刃數十人

餘黨悉平民懷其保城功立祠 文廟右祀之後調知

海澄守將赫文興叛汚以偽命不受強之瞑目不食知

不屈沉之水而死古田縣志

○黃執中奉天海城人康熙十七年古田令時耿逆初定

餘黨逃匿深山每出擄掠居民相率遷徙執中身率鄉

勇直搗其穴立殲巨魁八人餘黨潰散招撫流離俾歸

安業值軍興旁午一切供需羽檄紛馳執中如期辦應

上下稱善古田縣志

○林徵麟字厚庭澄海人由舉人康熙十七年知古田

潔已愛民公餘與邑士剖析大義終日無倦以催科罷

去時論惜之古田縣志

閩清縣

宋

更溫大中祥符間為閩清令郡守嚴辟疆一見知其才溫

自為記因去宿弊興滯利凡征口之耗登戶輸之損益

金穀之逋負，辭牒之稽留，胥吏之侵漁，兼弁之驕僭，寇攘之踪跡，醜巫之淫祀，繇流之偽濫，契券之欺詐，封誼之交爭，稱貸之倍息，俾自陳改張，責伍保以督察之，列爲簿領，制以關防，強則以那之弱，弱則扶之頑，惡者誨之孝，悌游惰者勤之播種，養生送死，節用知方，未踰朞月，一境咸格，旣又爲之建學，立社設市，井置射場，表分間巷，界定村落，陸則布石，水則造舟，招徠凋瘵，給以曠土，寬其租賦，因其歲登，誨以儲蓄，民有訟者，令約期，至未嘗遣吏鈎攝，秩滿去行，李惟琴書而已。

福州府志

卷四十八 名宦三

去

黃琮字子方，莆田人，初尉福清，邑有盧嶺峭險，琮捐俸倡民蹙之，淳熙閒陞知閩清，時方興道藏，安撫黃裳令十二縣分斂民錢，縣數百萬，琮捐已俸輸之，改知同安，尋命爲方田指教官，琮至均量無毫髮私，閩清人喜其復來，歡呼迎之，郡通判許景衡撫民謠爲公復來詞，刻於石，漕帥檄攝候官縣，有餘太宰香火寺倚勢不輸上供，銀每移增於諸利，琮嚴徵之，如數乃已，時諸司相與語曰：黃公清廉無比，執物有餘。

正德府志

晉順至順中，尹閩清爲政和易，清簡恩威，兼至吏不敢爲

奸，在官六年，流民皆歸野，有新舍，學有新官，邑人戴之

正德府志

蔡嗣宗由晉江尉遷閩縣簿，陞知閩清事，時有外寇，嗣宗

募民兵却之，百姓安堵，乃歌曰：彼寇來仇，今得吾侯而

蒙休，彼寇遠遁，今吾侯錫我室家之無憂。

正德府志

明

沈源字文淵，湖州人，洪武中以御史知閩清，立攀桂亭以

勸諸生，建度僊橋，以便來往，治狀上聞，陞韶州府知府

福州府志

卷四十八 名宦三

七

正德府志

余珍正統閒知閩清，沙尤寇犯境，珍率民兵捍禦之，奮不

顧身，保定伯入閩，珍整衆往迎，保定疑其爲寇，珍直前

白其故，保定始悟，滿秩去，父老嗟留，載道至今猶不忘

正德府志

劉爲安，福人，正德閒知閩清，時有詔清戎使者督郡邑，嚴

甚，里胥畏罪，輒以虛名補伍，累歲徵發，民甚苦之，爲至

毅然，白其不當，遣者問里始安，其居恒聽訟，時或有所

怒，必退而思待其氣平而後再聽之。

萬曆府志

彭珥龍泉人嘉靖初知閩清先是邑每歲輸軍餉於定遠
衛廷竊違涉耳請納銀代之邑民便焉嘗建學宮備祭
器拓公署創門樓役興而無所擾府志

長樂縣

唐

殷堯藩秀州人元和九年進士從李嗣長沙幕府後為長

樂令擢侍御史後官江南風采甚著福建通志

宋

李葦太平興國間為長樂令嘗言守令為民師帥脫有執

福州府志 卷四十八 名宦三 十一

政厲民使和氣未洽災告不銷咎將誰諉遂晝夜勤政

兢兢不懈濱海沙京與頭田患滴葦教民築堤防禦遂

成沃壤長樂縣志

陳維德字徽之莆田人左僕射陳靖之孫天禧四年為長

樂尉鄰邑有關而服毒死者獄成檄維德覆驗維德以

計察其誣白之時年十九吏民初以年少易之至是適

大服慶歷初舉能吏治廣南除知雷州官至虞部員外

郎長樂縣志

吳仲舉皇祐間宰長樂賑貧民杜私謁清操凜然嘗作情

陰軒於縣署又作絃歌亭以學道愛人自勵長樂縣志

閔希聲皇祐末為長樂令鋤強植弱催科不擾長樂縣志

蕭茲熙寧中知長樂縣下車即詢民瘼周爰若弗及振舉

百廢尤究心水利根括十七都二十四都諸湖侵地斗

門石上有古篆記長樂縣志

伍擇之字元賓寧化人恬於進取親舊勸之乃就科舉登

皇祐五年進士調南豐簿時曾子布子固猶未遇擇之

一見異之元祐間宰長樂時諸司暴酷相矜輒與大獄

擇之蹙然曰以殘忍附上官非我志也遂歸寧化縣志

福州府志 卷四十八 名宦三 九

袁正規字道輔陵陽人元祐三年令長樂約已裕民興利

除害暇則論文賦詩有儒吏風嘗於縣治東二里鑿義

泉以濟行旅又興水利濬港以溉民田人名其港曰袁

公港正規不有其功易名為元祐港長樂縣志

陳可大字齊賢倦遊人政和中登進士紹興間知長樂捐

俸大治陂塘民為立碑記其功德又鐫石名其津曰陳

令津後提知肇慶府去任之日行囊蕭然長樂縣志

吳一鳴字伯大南劍人紹興中令長樂豪家通租鬻繫歷

數令不能詰一鳴督之有方期年倉廩皆盈明於斷獄

人無稱冤長樂縣志

陳之邵為長樂簿奉法持廉嘗治水利有功於民長樂縣志

詳後官人物

王遇字子台號東湖漳州龍溪人父羽儀有文名遇弱冠

補上舍登乾道壬辰進士教授臨江處州蘄州居閒不

遠千里遊於朱子及張栻呂祖謙之門精思力行不為

入耳出口之學時相意其來也以掌故處之不往越部

注懷安丞久之以給事尤表祭酒李禕薦知長樂縣悉

以所學施之政事樽節之餘積錢數千緡興修陂塘溉

田千畝教授黔黎向於禮讓時相陳自強林采韓侂胄

不能屈也所著有論孟講義西漢博議仕終左司郎中

漳州府志

諸葛悅淳熙中任長樂簿時前丞相史浩帥閩部不輕以

獄訟畀屬吏雅聞悅賢輒委事悅以理平決不規大府

意為是非丞相益相知延幕中幕中故盛賓遊惟悅自

一語一言無裨補不出口浩自喜晚得士禮與已敵且

率當路為之朝而悅死矣所著有易論語若干卷書

方薰字大雲號西軒莆田人從兄畧官廣東轉運使

千二百箇謂藹曰次雲不出戶十年當移吾書入肝膈

矣藹既第不涉仕途十八年盡讀之淳熙間由藤州教

授遷長樂令莊以蒞民誠以應物嘗以致知慎獨教學

者藹祖元家與二程講學藹既得之家傳又師事朱子

而與林光朝施廷光陸子靜陳昭度為友其為政可知

也長樂縣志

陳昭度僊遊人少即明道講學與林光朝相友善方藹為

秘書省正字時昭度每飲禮之紹興間第進士授長樂

令為政一遵方藹成軌民多德之長樂縣志

漳州府志 卷四十八 名宦三 三 五

呂復初為江西都事與廣東僉事獲獨步丁寓福州後復

攝長樂縣事明兵下福州復曰吾世食君祿當虎報國

引繩自經獲獨步丁亦投井死閩書

明

邱宗亮江陰人洪武十二年知長樂勤政愛民務存寬厚

嘗繕修文廟建山川社稷壇壝興舉廢墮有成功長樂縣志

志

趙允字執中潮陽人洪武間樂丞勤興民利十一都海

堤壞害稼尤為脩築至今賴之通志

黃本字維成吳川人永樂初為長樂典史時海堤崩陷本

悉力修築四十餘丈增設疏山塘斗門以捍潮汝邑人

賴之長樂縣志

王遵道蘇州人永樂中知長樂縣專務以德化民省刑薄

斂興舉廢墮尤崇學校立射圃卓有政聲長樂縣志

齊晉山東人寬裕博雅事親以孝聞宣德間由選人任長

樂知縣明達治體躬行以率民民服其化長樂縣志

龍韜曲江人正統間知長樂縣平易得民嘗建退思堂於

福州府志 卷四十八 名宦三 圭

縣署公餘退食則靜坐省愆又嘗修城隍廟暨山川社

稷邑屬等壇長樂縣志

黃琬豐城人成化初由舉人知長樂縣為政嚴謹門無私

謁聽訟吏不能欺濟貧恤孤築塘坂修道路凡利於民

者必先之長樂縣志

羅叙吉水人成化間知長樂平政宰民宣協風教嘗值歲

早禱雨即應治邑七年興百廢均賦役初終如一長樂縣志

潘府字孔脩上虞人成化末進士謁選得長樂知縣教民

行朱子家禮躬行郊野勞民疾苦田夫野老咸謂府

已就求筆札輒欣然與之嘗曰居官之本有三壽養

廉之本也連聲色勤之本也去讒私明之本也連南反

兵部主事明史

鍾紹字大韶東莞人正德間由進士知長樂清謹勤約始

終一節尤重風教境內有孝義廉節者必嚴請表揚之

士習民風為之丕變邑人稱頌久而不衰長樂縣志

龍琰常德人正德十年由進士知長樂縣持已端莊敷政

寬平時鎮守檄郡行邑屢有需採琰重擾民輒峻拒之

長樂縣志

福州府志 卷四十八 名宦三 圭

汪瑄字諧甫婺源人嘉靖初知長樂值歲履瑄日夜勤

郵控監司發倉賑之時閩郡亦饑太守汪文盛遂與瑄

謀以聞詔蠲其租邑民歌之曰天降殃今歲卒荒民免

溝壑今賴一汪萬歷府志

何應和字景陽東莞人由舉人嘉靖間知長樂之官不挈

妻孥種蔬自給為政清靜不擾民有以重罪相告訐者

輒款款論歸俾熟思之然後逮鞠久而民信幾於無訟

長樂縣志

字公路海寧人嘉靖末進士知長樂勤

為政務興利除害育才宣化縣有廢寺二曰觀音廢泉

寺田若干畝豪右將橫之遺悉取以充學校為肄業處

燭費諸士德之像祀于射圃之寢堂縣賦例輸三百石

於萬安倉民艱連餽遵為申請得改福清倉民便焉

江諸渡稅積逋千餘緡久之貧莫能輸遵請蠲之其人

樹碑於江浙以頌德邑有高允實者誣併戎籍逾廉得

其狀力為解脫其家繪像以祀起召之日菴雅泣送于

途後拜監察御史遷太僕寺少卿長樂縣志

唐萊常山人嘉靖丁未進士任長樂令下車即明法令申

教戒期於戢暴誥姦風裁英果應事如流時浙東島夷

陸梁巡撫都御史王忬檄城長樂萊遂以身任之多方

經畫俾費不及民民亦樂於趨事城成萊旋改任冠亦

奄至自乙卯迄癸亥每春汛烽警無虛日民有所恃以

為歸者萊之功也官至湖廣僉事長樂縣志

熊廷相豐城人嘉靖間長樂典史時倭寇猖獗逼縣城廷

相登陴守禦開門縱老幼悉納之存活數千人修築濱

湖湖民受其利萬曆縣志

志字伯謙高熱人隆慶戊辰進士知長樂首罷里胥

諸繁費復濱湖射圃宇田城內外坊衝橋梁多所營

砌百廢具興定福清倉而直審編賦役民服其公萬曆縣志

韓紹號懷恩歸安人萬歷丁未進士知長樂廉節自勵僅

稱以時決獄明恕吏胥不敢舞文邑人翕然稱之適歲

潘雨紹虔禱雨止邑以月年擢給事中子敬庚成會狀

兩元邑署所生長樂縣志

郁文周字文叔江陰人萬歷間知長樂存心愛人操履耿

介緩征恤寡詰盜懲奸修水利興學校士民戴之以疾

去職卒於家萬曆縣志

福州府志 卷四十八 名宦三 五

李奇珍號四可嘉善人萬歷進士知長樂清直恬澹性尤

警敏一見人終身不忘聽斷如神民懷吏憐邑向多竊

為久錮之法以困之盜為絕跡崇文教士士風丕變後

官至太常少卿長樂縣志

鄭尚友號月菴杭州人崇禎辛未進士知長樂建五賢祠

創崇正書院以訓士治復濱湖湖惠政尤多擢工部主

事長樂縣志

其光輝字瑗永嘉善籍莘亭人崇禎丁丑進士知長樂始

實廉正諸所興革皆得大體而催科之法尤善纂輯邑

乘誇審不燕日與諸士校論文藝遠近士子雲集其門

文章節義並重一時連江縣志

國朝

○李岱生字千巖高密人順治戊戌進士康熙初除知長

樂縣潔已愛民時遷界議起湖海人戶應調遷者有糧

無地半逃散岱生力請于大府豁浮賦廣招徠民感其

德官滿受代去泣送者几數千人高密縣志

連江縣

唐

福州府志 卷四十八 名宦二 美

劉達咸通初知連江縣縣有東湖溉田四萬餘畝歲久為

豪家所侵達奏復之民感其德廟祀湖上連江縣志

宋

鞠仲謀端拱二年知連江六興水利以東湖斗門木柱易

壞伐石代之又於湖外徑橋六以通水道斗門七以蓄

餘溢民與劉達並祀湖西後轉京秩景德元年採開望

二十四人仲謀與焉連江縣志

黃沐建寧人政和五年任連江縣以父僕常為是邑尤重

心愛民省刑罰獄隆教敷思建勸農之閣植木公庭

訟者前官青田尉長樂簿金有聲連江縣志

傅伯成字景初少從朱子學隆興元年與兄伯壽同登進

士調連江尉試中教官科授明州教授改知閩清丁父

艱服除知連江縣東湖溉田餘二千頃隄壞即下浚南

池為隄三百尺民蒙其利去後民因其所繫并名之曰

傅公泉歷官寶謨閣直學士通奉大夫致仕伯成純實

無妄表裏洞達年八十有四卒端平三年賜諡忠簡宋史

連江縣志

趙善謹宗室子慶元間知連江周視隱匿搜剔蠹弊百廢

福州府志 卷四十八 名宦三 美

俱興又修學宮建斗門民懷其惠福建通志

趙善嘯字文彬宗室子居龍溪登慶元五年進士調連江

丞攝邑事修常平倉易以新米又興水利以賑貧民漳州府志

府志

趙善嵩宗室子嘉定初知連江嘗祈雨出郊詢知南壩水

利可以溉田遂鑿石為斗門其澤甚遠福建通志

朱定字正臣縉雲人嘉定間知連江疏東湖水利新劉鞠

一令祠決淹獄正役敗威以肅奸惠以錫窮縣白巖溪

舊有橋橋木為之洪水輒圯行者常病涉定伐石成梁

docsriver 文川网
入驻商家 古籍书城

在文川网搜索古籍书城 获取更多电子书

民呼朱公橋閩書彙編

江縣志

洪義肅字子敬建陽人受齋侍郎之孫嘉熙六年知連江
修學宮置田增餼潯東湖復九井創平糶倉成江南橋

築相公堤為民賦利去之連江縣志

宋日隆字道大眉山人寓劔津登文天祥榜初任贛州知

錄能決疑獄咸淳五年遷知連江措餉設防以靜鎮之

時所在郡邑困於征求連獨家給人足夜柝不警又修

學宮纂縣志繕廨宇作橋梁費出無筭區畫而給民甚

安之去之日留其硯於庫以志弗忘連江縣志

福州府志卷四十八

元

劉濟字濟川河南人至正間為連江縣寧善鄉巡檢江西

賊王善寇閩濟妻史有才畧與濟謀悉奮物募兵賊既

破羅源分道寇福州濟拒戰屢捷俄又與賊遇濟突陣

斬其前鋒五人賊兵大至濬中箭墮馬其子健下馬掖

之俱被執濬戰手大罵賊怒斷濬手足罵彌厲又斷其

舌而死賊亦義之乃舍健健歸請於帥府復離弗聽散

家貲結死士百餘人詐降於賊夜半發火大噪賊營中

賊驚擾不知所為自相屠戮健手斬殺父者併擒王善

等帥府上其事贈濬福建行省檢校官授健古田尹又

詔為濬立祠福州北門外有司致祭府志

明

商準蘇州人洪武八年由人材任連江丞資性明敏吏事

精勤多匡贊功嘗修先師殿拓社稷壇民思其績連江縣志

范希節鄞縣人由人材洪武二十二年知連江時歲歉事

劇獄訟益煩希節奮然典治募民開東湖水利惠澤及

民為多正德府志

侯炯字啓明南豐人建文初以御史左遷連江令永樂改

福州府志卷四十八

元政令一新興廢宜濬九井修道路上下稱便權陝

西僉事連江縣志

歐陽漸泰和人景泰間知連江才識明敏操守清慎獄無

冤滯門無私謁歷任數載為民建利祛害時東湖歲久

為豪民侵壅漸清復湖界砌斗門濬支塘水利大興新

學官城隍廟橋梁道路貯穀備荒諸政畢舉民與劉鞠

合祠之連江縣志

郭新字文載景陵人治戊午以舉人知連江朔望入學

宮與諸生講學有禮考選塾師以訓童蒙又改建先師

廟修築相公隄整壇宇澹水道諸務咸飭尋卒祀於

官連江縣志

唐相灌陽人正德間連江典史時知縣吳笈貪且酷民苦

之訟者皆願判於相相決之無枉或以勢脇之相曰位

可脅心可得而脅乎流賊入縣率兵禦之挺身出諭賊

為退去又嘗修東湖浚支塘有功連江縣志

袁鑑揚陽人嘉靖間知連江宅心仁恕慮事詳慎居官六

載廉潔不淪時有劫盜大獄波及無辜鑑多方廉察別

其首從刑無濫及手植數樹於公庭民愛之比於甘棠

福州府志

卷四十八名宦三

圭

連江縣志

張聘夫字時珍婺源人由舉人隆慶初知連江邑素健訟

聘夫坐堂上重門洞開進投牒者諭之曰鄉誼至重官

法難假與其告而悔無寧恣也可退思之其人既去復

入則又諭曰思未審耶鄉里何無居間者其三思之次

日他有投牒者仍如是論之人知令意在息訟自是非

大故不敢妄干庭閒無事唯靜坐讀書而已善飲酒每

醉吏陳牒請判冀乘其醉濶之聘夫愈益精明時倭亂

後賦役繁重催徵不動聲色處以和緩尤加意學校其

造就者皆成善士連江縣志

蕭淑字古心萬安人以舉人萬歷間令連江儉樸慈良治

尚精簡嘗榜於門云鄉下有田勤去種縣中無事莫來

行有訟者輒戒之曰訟非好事大破爾家小破爾財無

以為也徵輸自較自封令里胥給照與之案上與之對

核民有牲畜薪炭之類悉聽抵稅竟以不徇上官意解

組去去之日百姓攀轅泣留數日不得行後有萬德鵬

者字九雲宜與人盡心民事民並祀之額曰蕭萬二侯

祠連江縣志

福州府志

卷四十八名宦三

圭

于可舉澧州人崇禎壬申以舉人任連江縣平易近民刑

清政簡海寇劉香薄城時承平日久士民倉皇可舉登

南城敵樓上連發三矢殲其渠魁賊氣奪遁去城賴以

全以東岱為賊入治要衝造銃城扼其險為百年禦患

訃連江縣志

國朝

楊繼生字爾序閩中人順治初由舉人知連江丙申寇

陷縣繼生縊死城樓妻劉氏同日殉節連江縣志

王連號西山萊陽人進士順治末以藩幕署連江縣事